

甘肅縣志

楊肇基題

壹



甘肅縣志
楊肇基

庚辰冬月

世觀無礙

楊肇基題



北京友文印書局承印
北長街前宅胡同六號
電話南局二〇四二號

補修邯鄲縣志序

邯鄲之名初見於春秋左氏傳歷秦漢晉隋唐宋以迄元明二千餘年間沿革不一其政治之良窳經濟之盈絀人物之興替風俗之淳澆與夫文化之進展隨風會之遷流時有因革損益惜無記載專集難於考徵明成化間邑始有志自明徂清屢經重修民國十四年邑令何毓琦倡議續編邑紳王琴堂等力襄斯舉又有邑人郭中將采芹定邊高師長培五各捐巨貲以相助至二十一年始告完成博采兼收無美不備不幸於二十六年之夏蘆溝橋事變勃發戰禍蔓延潰兵股匪到處滋擾邯民蕩析離居十室九空縣志悉被焚燬存版亦損失殆盡余於次年七月來守是邦日覩

邯鄲縣志

卷首

補修序

一

慘狀怒焉心傷爰思補救綏輯之策於灰燼之中搜得舊志殘帙公餘之暇藉供研究並延攬邑內賢紳共襄治理果賴其力於數月之內全境宴然流亡相率返里而城廂一帶之繁榮較承平時殆猶過之余以是知縣志之有關治道至爲綦重誠不可任其湮沒也於是籌款設局聘邑內耆紳李少安張鳴鑾冀卓午等分任編輯值此碩果僅存之際及時補修俾成完書信今傳後以垂永久庶前人之餘緒不致失墜後之蒞茲土者有所觀感而深得所以爲治之道斯則余區區之願亦邯民之大幸也是爲序

中華民國二十八年 月

日邯鄲縣知事楊肇基撰

邯鄲縣志卷首

重修邯鄲縣志序 新序一

吾國言縣志者動謂縣之有志猶國之有史亦若仿史作志爲正當宗旨不知仿其體例則可仿其宗旨則謬誤極矣吾國有史原爲君上起見所謂左史記言右史記動編年紀月據事直書圖表志傳分類成篇者不過一人之起居注言行錄一姓之譜牒一代之大事紀而已其效果僅可匡正君德使亂臣賊子有所畏懼於民毫無與也縣志以民爲本應從正德利用厚生起見與國史宗旨迥不相同惜最初創編縣志者不識此義謬仿國史棄取失當各縣依樣葫蘆效尤至今以致舉國縣志無一善本試取所有之

邯鄲縣志

卷首

新序

一

縣志觀之志天文不記經緯度數氣候寒暖雨量多寡反記毫無憑據之星宿分野無關人事之日食月蝕志地理不記地質礦產土宜物性反記山襟河帶形勝奧區志人物但記儒林文苑顯宦隱逸於民生實業有所發明之老農哲匠大商概付闕如志物產但記其各目於量之多寡品之優劣能否遠售獲利與由原料可以改造他物以濟世用者概未提及志食貨但記農田歲賦若干商貨歲稅若干工廠歲課若干而於農業之豐歉商務之盛衰工藝之良楛其造因結果關係最重反不著一字志禮俗多略於本土風俗之沿革而偏詳於國府通行之祀典其不應記列而特別彙集詳載者莫甚於藝文志試思一縣之大數千年之久其文章

詩詞各家自有專集如汗牛充棟萬非縣志所能容若謂其中文字於志內有關係不妨擇其精要分列各類之下何必特設此卷反爲縣志之贅種種謬誤不勝枚舉旣不足以啟發人心更何望促進社會以吾國開化最早茫茫四千餘年毫無進步者其故原非一端而縣志之失載亦當任其咎也現在民國成立國史亦當變其宗旨以民爲本况縣志於民切近尤宜處處從民生著想宗旨改正採輯斯精是編始有價值余懷此久矣客歲奉命駐防邯鄲與邑人士譚及縣志僉云自清乾隆後再未續修王子韻泉年逾古稀熱心桑梓慨然以續纂縣志自任余見王子言論學古不腐學今不狂三長兼擅羣譽交推尤於民間利病洞悉靡遺將來邯鄲縣志

卷首 新序

二

新志脫稿必能一洗從前陋習爲吾國改修縣志之先河因捐貲贊助望早出版王子囑余爲序故表而出之願以告吾國改修縣志者是爲序

中華民國二十一年五月吉日陸軍八十四師師長定邊高桂滋序於邯鄲防次

邯鄲縣志序 新序二

邯鄲古趙地其政治人物與夫戰伐會盟諸大端載在史冊者洵不少見自嬴秦改封建而爲郡縣則凡一邑風俗淳漓之漸利害因革之宜名宦鄉賢之聲光得無消歇於數十百世之後俾官斯士居斯鄉者有所監觀而取法焉是非有專書紀述不爲功縣志卽一縣紀事之專書也余於民國辛未冬來治是邦適值駐軍征輸孔亟之時嘗欲取志乘考其往迹以資借鏡而未有隙且舊志失修有年板質朽殘字跡磨滅往往不可辨識此賢者所深憂也去春奉命徵集志料邑人郭中將采芹又慨捐鉅資遂開館延邑諸名宿乘機續修縣志閱數月之久而書告成行付剞劂館中同邯鄲縣志

卷首 新序

三

人請弁其首余觀新志之特點有二事取徵實不尙迷信一也政治設施無不悉載二也雖不必與靈壽武功較短長以視舊志中怪異祥瑞侈載渺茫機關職務畧記梗概者不亦美備歟是爲序
中華民國二十一年一月邯鄲縣縣長吉林長春畢星垣撰

重修邯鄲縣志序 新序三

考周禮小史掌邦國之志外史掌四方之志其卽今郡縣志之所由昉歟又昔人云史可數百年一修志不可數十年不再修然則邑乘之纂修其所繫不綦重乎邯鄲舊志昉於明成化間以後雖屢經續編要皆踵事增華具詳於歷次序說至定爲刊本則在清乾隆丙子時也嗣是以後又百有餘年迄同治壬申乃復重行編輯惜未付棗梨僅稿本數冊而已民邦肇造國體變更於乙丑之夏思欲踵而成之釐訂經半載餘尙未就緒忽值槍會之亂屬稿遂完全喪失舊稿亦殘缺失次遂致業敗垂成曷勝浩歎然斷簡零章尙可蒐羅補綴以爲攷證之取資猶不幸中之幸耳歲辛未

邯鄲縣志

卷首

新序

四

春省令徵集志料適邑人郭中將采芹亦以縣志久未續修慨然捐貲相助於是派員採訪設局分纂歷數月而始克成編雖墜緒茫茫未盡能旁搜遠紹或不免有因陋就簡之處然揆時度勢斟酌而損益之較昔日之卷帙有過之無不及焉蓋欲以信今傳後烏可不詳加審慎哉全部釐卷十七類則爲十六門各門之中又復詳分細目約計凡七十餘則而引類以附者亦並載之庶乎綱舉目張尙覺有條不紊大抵政則舉其體要事則取其翔實至若財用所關民生所係尤斤斤不厭求詳凡舊志所未備者今則一遵省令博采兼收且悉心攷察唯恐或遺要皆本諸至當不易之理而不敢稍存私意於其間則茲書之成旣可垂諸永久又可備

輶軒採擇所取材雖未足以言鉅製鴻篇抑亦不朽之盛事也若夫侈談往古務爲藻績詞章期於穠豔富麗舉數千年之陳迹而粉飾鋪張之則不啻徒快耳目之觀乃適以益形其陋非志乘之本義故不取耳稿旣就會高培五師長旌節駐邯復捐貲促使付梓是則斯編之克蕙厥事者旣有郭中將以開其始復得高師長以成其終遂能完全告竣且精印裝潢以爲巨帙垂金蕙而焜耀琳琅亦可云會逢其適固幸得此良機矣爰誌其顛末以諭來者後之博雅君子倘能匡所未逮繼續而增加纂集焉尤區區之厚望也夫

民國二十一年一月清光緒甲辰進士前安肅縣知事邑人王琴

邯鄲縣志

卷首

新序

五

堂序

舊志修編概略

邯邑志乘未詳坊自何時闕初序修於明萬曆元年癸酉邑孝廉張成教纂輯邑令張第成之既而邑令盧雲龍爲之增補是曰續編再修於前清順治三年丙戌邑令爲韓思敬序之者張侍御獲也又修於康熙二十二年癸丑邑令爲張慎發序之者邑進士溫毓泰也復修於雍正八年庚戌邑令爲鄭方坤並爲序以紀之搜採者則明經張洮衿士何煜張峻望裴景蘇裴錫曾也迄乾隆二十一年丙子邑令李時發又爲之續修而序之者教諭王炯也厥後修於同治十一年邑令爲英棨採訪者則明經任兆麟張煥然王立賢也志稿雖成惜乏刊刻經費迄未付梓民國十四年邑令

邯鄲縣志

卷首

修編概略

六

何毓琦慨志久未修遂籌資續編延邑進士王琴堂爲總纂修輯年餘於十五年稿成存儲圖書館內十六年槍會擾亂致將稿本散佚惜哉十九年冬間國民革命軍第四十三師師長邑人郭華宗念邯志補續未梓稿本無存惻然憂之遂慨捐大洋二千元作爲續修經費由邑令畢星垣仍聘邑進士王琴堂爲總纂邑人李世昌劉一純任道源張玉珂李鳳祥張繼志等爲分纂設局重修八閱月而編竣此邯志修輯之概略也初序稱成化以來歷百禩志不一見蓋成化間已具其略矣

舊志序一

萬曆癸酉

邑志蓋稱久闕云自成化以逮今茲歷百禩而志不一見君子每喟然嗟焉昔史遷氏以邯鄲爲漳河間一都會此非堪輿家臆說也王侯端冕俠儁登壇曩所鍾孕則然耳矧今又屹然爲畿輔要地世之遊子宦人多出其境或有談說古今之務抵掌而稱趙世家者倘一時耆舊卒卒罕所置對此子大夫之所深恥也乃起而徵文學掌故問遺事復奈何管城未下而宦轍相催又委其帙而去之廢興相沿咎實坐此我大夫張公至會余亦罷官歸里慨此良晤足徵往蹟顧舊本散佚亡證重嗟之已復越境購書力酬前諾余蓋甚懼焉夫志弗彙斯裔弗芟斯穢弗信斯誣弗賁斯俚合

邯鄲縣志

卷首

舊序

一

衆美而成之所謂文質彬彬者也而余豈其人哉余以趙人不習故實辟之執郢說燕人且嗤之矣乃復忘其謏昧爲之蒐佚典竄僻聞謬爲詮次以成叙事之言夫豈敢侈然自信以爲克振前聞若此亦庶幾曰異日者當與博雅之士區區覆瓿云爾竊聞長老言志者志其大者也民之利病政之因革是也余弗良於政業於其大者少陳其故以俟有位君子因時損益期無負今日徵辭命簡之意茲則吾民之所大幸也脫舍是而孜孜焉惟誇武靈之雄侈平原之俠搃扼相如而搢胸馬服則茲志也是不過談趙之譜而已嗟夫與無志奚殊焉萬曆元年冬十月邑人張成教撰

余讀邑志而知張公之用心於民者大也公聘文學掌故旁搜

遺逸百年來曠典一朝舉行凡我庶僚迨茲人士感公之惠渥
矣顧自志成以迄今日且十餘年其官司之相代與選舉之相
繼者又若干人至於興廢沿革復稍稍不同不及時編入則久
而散忘後有作者亦難乎其爲繼矣雲爲此懼乃托學諭宋君
仕明質之父老子弟而編附一二焉仍於篇旁註續補二字以
示不敢筆削原本之意諸所未備則猶俟後之君子云萬曆十
三年八月知邯鄲縣事盧龍雲撰

舊志序二

順治丙戌

邯鄲之名始見於趙世家自敬侯以來蓋稱都會云歷代建邑置
守迄於前明未之有易左環漳溢右望太行拱衛京師屹然爲畿

邯鄲縣志

卷首

舊序

二

南要衝雍梁荆豫之往來冠蓋恒相望焉顧頻年兵燹相仍邑里
蕭條微特流風善教湮沒無幾卽方物圖書人文載籍亦浸浸乎
有散佚之感矣皇清定鼎化洽維新於是直指桑公代狩茲土大
懼典章闕畧文獻莫徵進郡伯武公而咨之以修廢補墜爲已任
而承是役者則邑大尹韓公也採方聞咨掌故綜集成帙以示余
余披閱之下畢然念聖天子垂統之要賢大夫守令善俗之宜竊
以爲道有升降政由俗革必潛移而默導之然後風草之化可得
而幾也讀宦蹟而見循良之接踵也尹鐸保障之烈周舍審諤之
風不猶有存焉者乎讀人物而念先型之未遠也安于佩弦之勤
相如引車之義不昭然耳目間乎讀選舉而感雁鹿之芳躅彪炳

後先不猶是擔簦而相脫穎而出者乎讀節孝而凜松筠之貞操
馨聞閭左其於羅敷之矢節靈輒之遺親又何以加乎舉一切可
歌可咏可法可傳可勸可懲之事無不筆之於書數十年闕疑之
典由茲傳信矣至若徭賦風土之詳丁糧戶口之數緣肇造伊始
全書未頽則寧從其略者蓋揆諸底慎之心不無少俟而卽此貞
淫彙辨勸戒攸行典禮聿修人文蔚起久道化成之效將於是不
在也採風入告按藉而稽豈獨志也歟哉順治三年季夏邑人張
濩撰

舊志序三

康熙癸丑

邑有志猶國有史也國有史而後一代之事不晦邑有志而後一

邯鄲縣志

卷首

舊序

三

方之風土山川今昔之建置沿革與夫土田之肥瘠戶口之登耗
人物文章之盛衰長貳政治之賢否得失不致湮沒郡志補國史
所不逮邑志又補郡志所不逮志之所關詎不重哉邯之名始自
左傳嗣後沿革不一國朝仍元明之舊屬廣平郡廣平故畿南重
地而邑尤當子午之衝郵傳絡繹供應實繁且兵凶以來井里蕭
索問古所爲朱樓銀燭白馬金羈者若不知其何所指矣然而淦
漳東注紫葛西環兩樹晴嵐時呈佳秀所以人文蔚起甲第蟬聯
忠孝貞廉芳蹤高躅未嘗不可數而載也顧舊志修於明萬厯初
百餘年來殊多缺畧卽或間有補續而義例罔協懲勸弗彰其何
以稱完書乎發自己酉叨令是邑卽欲博徵文獻勉襄斯役乃催

科旣拙奔命尤疲有志焉而未逮也歲王子會奉部文檄催發幸獲遂初志乃諮請於鄉士大夫遂與進士溫君奉化令張君謀纂輯之二君復引郭生輩爲助閱數月而脫藁茲固發奉命不遑而能使浮者黜闕者增訛者正勞者理實諸君子相與以有成也因是念邯之人亦綦困矣土狹而瘠邑敝而衝野有游惰之民俗染桃達之習漸至務本者少逐末者多穀虛貨盈商農交病豈盡風雨之不調土物之不臧耶所賴涖茲土者見土田磽瘠則思勸課之方觀習尙澆奢則思杜波靡之漸念賦役拮据而不敢後則因時盈縮而張弛之使困者以甦歉者漸復斯無往而非善治矣然則轉移化導之權豈不在人哉發願與後之君子共勉焉康熙

邯鄲縣志

卷首

舊序

四

十二年孟夏知邯鄲縣事張慎發撰

邯志自嘉隆以上無徵矣其萬厯初年之志則邑孝廉溟南先生手著也越十餘歲邑令南海盧公補葺之嗣後沿及鼎革六七十年間蓋闕有間矣國初一修於丙戌再續於戊申然皆綜類續增其於舊乘實未嘗彙爲一編歲王子會部文檄郡邑修志備史館取材邑侯張公奉命惟謹復謙受若谷亟進紳矜數子而謀之時余家居因得謬附揚管之末比書成付梓復辱以弁言相屬余維志者志其大者也山川風土忠孝廉節因革利弊是也一之弗具不可以資採擇茲所裁定首疆域終藝文計十二卷其間裒益羣書諮詢衆論而增損去留一斷以張公之

碩畫既就梓成帙則邑之事蹟可一覽無遺矣雖然竊有說焉
昔禹貢紀山川不紀風俗謂風行自上俗成於下視乎移易也
余則謂風行自上固令長師儒之事而俗成於下則縉紳學士
與有責焉何則父兄之教不先子弟之率不謹未有父兄尙禮
義而子弟不勵廉恥者未有父兄好力田而子弟不勤本務者
未有父兄貴詩書而子弟惡言誦習者推之里黨積漸成風世
患無太邱彥方其人耳患無就理曲直畏知姓名者哉燕趙古
稱悲歌慷慨而漢書則云地近梁魯微重而矜節隋書則云人
多敦厚務農桑好尙儒學由此觀之氣化亦屢變矣乃近見邯
之人士愚者輕生黠者好訟詩書之氣漸爲佻達隴畝之子半
居市廛雖曰風會遷流毋亦無所觀感而然歟然則生其地者
可盡諉曰此子大夫之責而非余事也乎此乃余所以序茲志
之意也若夫侈談形勝援引古蹟則郡邑之志罔弗載之余於
茲又何贅焉康熙癸丑四月邑人溫毓泰撰

舊志序四

雍正庚戌

邯鄲縣志

卷首

舊序

五

邯鄲屬廣平離京師千里爲西南九省通路史記稱漳河間一大
都會殷庶之象亦約畧可覩矣歷周秦漢唐宋以迄元明其山川
城市土田賦稅制度典禮與夫人物宦蹟科目文章之類日新月
異蓋千百年於此所恃披圖按籍瞭若指掌者則志之力也顧昔
人謂作史當有才學識三者其於志亦然無才則結構不工無學

則考覈不詳無識則去取不當三者舍一作如無作耳雖然不猶愈於文獻無徵徒使有心者搔首踟躕乎哉方坤待罪茲土甫下車欲稽一邑之事取舊志閱之求什一於千百僅有存焉者蓋自康熙十一年前令禹都張君續修之後未有踵起積久漸湮蒐輯較難矣方坤汲汲皇皇簿書之暇必勤此事無論名公碩彥令典獻章必詳必究卽殘碑斷碣皆爲足據之文野老農夫盡屬可詢之獻彌縫補綴尙亦千百之什一乎蓋嘗論之今之邯鄲卽周秦以前之邯鄲也願前之邯鄲其人率習爲奢靡復爲用武之區豪傑所必爭之地兵革相尋民甚矣憊豈若今之興仁講讓各安其業以享太平乎易曰久則變變則通今之時正易所謂變與通之

邯鄲縣志

卷首

舊序

六

時也歷其山川城市則有熙皞之風問其土田賦稅則有均平之準觀其制度典禮則有整齊嚴肅之規人物日以新宦蹟日以懋科目文章日多以盛是皆聖天子重離繼照仁漸義摩之久故其風俗蒸蒸如此彼史所稱爲一大都會者徒誇其形勢已耳夫亦曷足貴哉方坤不敏請與邑之人士君子暨父老子弟并後之仕茲土者相與奉上德意長扶斯道於不衰其可焉雍正八年秋七月知邯鄲縣事鄭方坤撰

蓋聞政報三年益徵令宰事興百廢定出名公况志乘備一邑之規模體則必參遷固而記載或寸絲之罣漏字亦無異豕魚是則固然爲之其慎維我荔鄉鄭公錦袍春換墨綬身榮符牒

飛來每愁仍几風塵驅出輒欲埋輪卽讀書未暇呂蒙而探筆
復還郭璞趣雖少損情殆無傷者矣乃按事不廢操觚雀角伺
鼠須之側抑推因每懷論古牙籤交肺石之旁邯志一書拾遺
補闕神君此日起例發凡辨劫灰於軼事殘編停杯慷慨剔剝
蘇於荒祠廢塚立馬躊躇溯厥由來修詞有體撮其大要選韻
都工寫景描形城郭山川厯厯分門別類天人事物班班此誠
下邑之宏觀而爲奇觚之巨製已嗟乎才非百里名信無虛史
有三長公謝不敏然而柳州遊記筆札雲蒸蘇氏志林冠纓索
絕皆不過文人之逸致總無關勞吏之心期細與較量孰爲典
要也洮等無能爲役聿觀厥成惟此事之推袁勿慮珠沉劍蝕

邯鄲縣志

卷首

舊序

七

匪後人之學步試看鐵點金成梨棗亟登真乃閱千年而不朽
姓名有愧庶幾掛末簡而分榮焉邑人張洮謹跋

舊志序五

乾隆丙子

邑之有志非徒攷其山川詳其人物而以資多識也固將於山川
人物中辨風氣之剛柔審民俗之好尙俾後之涖茲土者得所考
據而有或則示儉或則示禮之異用也故志之爲書實與作史相
表裏非兼才學識三長不足以垂世而行遠矧邯鄲一邑夙號名
區風會變遷隨時流轉蓋地當南北之衝實漳滏間一大都會漢
唐以來復爲用武之地英雄割據者之所必爭以故人多遊俠俗
尙奢靡茲者聖天子在上一統車書而邯鄲則路通九省冠蓋相

望自非偏隅彈丸可比余於甲戌歲躬膺簡命俾守廣郡而茲邑固其所屬比閱其境則華實蔽野黍稷盈疇弦歌之聲洋洋溢耳遊俠之風悉變爲禮讓之俗若唐人所稱千場縱博家仍富幾處報仇身不死者不知消歸何有矣仰見我朝列聖相承重熙累洽仁漸義摩固匪伊朝夕之故也邯鄲舊志不知昉自何時厥後屢有更訂規模亦已大備第語涉鋪張非所以信今而傳後似不足愜人心目及閱茲卷乃邯邑學博王子之所重修刪其繁蕪獨存典要詳畧適宜考核賅備披覽之下有不覺其何以懷古情深望古而思遙集也所謂志與史相表裏者殆其是歟夫寒毡一席食祿亦云薄矣而乃不惜捐金鏤板成茲盛舉自非情耽典籍藉其能

邯鄲縣志

卷首

舊序

八

之乎行見翔步天衢用以鳴國家之盛者屬其人矣余喜其是書成而俾涖茲土者得所折衷也爰援筆而爲之序廣平府知府古羊劉叔枚撰

聞之事得其理理者大義必明之謂亦謂其條理秩然可接也夫有土地則有人民政事而因設外史以志之斯亦理之一端已顧事具而條理弗析與條理析而大義未彰均未盡理之義余幼承庭訓粗涉陳編卽知有邯鄲之名時心識其人與事近濫竽是邑司鐸將確訪文獻徵所夙聞而遺事故蹤杳難尋究無已求之志牒謂紀載當無不詳者迺古之所傳往往不見於志而志之所收亦多不協於史爲究其由蓋其初所部署旣於